

中華民國二十年六月

安東縣誌

王介公



安東縣志卷二目錄

物產

藥物	穀類	菽類	蔬類	菌類	瓜類	果類	花類	草類	木類
礦物									
製造物									
氣候									
	家禽	山禽	水禽	鷺禽	家畜	野獸	鱗介	昆蟲	麥類

安東縣志卷二

物產

天然產

(甲) 動物

禽 分家禽 山禽 水禽 驚禽

鷄 種類不一以倫香種爲最佳產卵肉食均極優美爲農家所必畜民國十二年關義安大令提倡實業曾令各區勸導廣爲畜養以厚民生

鴨 古謂之鶩嘴扁平如匙上具感覺膜故能於泥淖中覓食足短前三趾後一趾有連蹼能浮水羽密而澤不畏水濕兩翼甚小拙於飛翔行時雄前雌後輒成行列性質木鈍產卵不擇地不能孵卵每以鷄代之

鵝 似雁而大有蒼白二色黃嘴紅掌頸長尾短鳴則雌雄相應聲音清越身軀肥滿翼力弱不能飛翔高飛爲異主人忌之

鴿 與鳩同類嘴短翼大飛翔頗捷足亦色而短小形態羽色種別甚多有全體灰白或純白及黑白相間者記憶力甚強放至遠處能自歸昔人用以傳書曰爲飛奴喜棲高樓廣廈不甚畏人一種羣棲林間全體黑暗惟頸及胸有紫綠色之光澤謂之野鴿

以上家禽

燕 有家燕山燕二種家燕領下色白巢居梁上山燕領下色紫巢居簷下體小翼大尾甚長分歧如翦嘴短口闊捕食飛蟲有益農家春來秋去歲以爲常又有一種土燕巢於河濱土穴內鑿河入江處有之故其地名土燕窩

鳩 狀如野鴿全體灰色頭小嘴短頸旁有青黑相間之斑點俗名斑鳩
穀兩後始鳴謂之鳴鳩聲如呼割麥插禾故又名布穀好食毛蟲有益
於森林爲益鳥

烏 俗名老烏身純黑不辨雌雄喜與鵲羣同擊鷹鷂以護其巢有反哺
之義所以爲孝鳥也

鴉 似烏而小腹下白不反哺爾鴉釋鳥鸞斯鸛鷗注鴉鳥也小而多羣
喜食山蠶育蠶者輒斃之

鵲 形似鴉而尾長與身等尖嘴黑爪綠背白腹俗稱鴉鵲上下飛鳴俗
以其鳴聲吉祥亦稱喜鵲一種色黑翅與尾外端皆白嘴赤色尾長名
鵲亦名山喜鵲

雀 褐色有黑斑體最小常巢人家檐下俗稱家雀亦名瓦雀又蘇雀形
同家雀惟頭及胸有紅色一名千里紅成羣而飛山中甚多因喜食蘇
子故名又麻雀類家雀而大倍之身多白斑羣飛山中又有靛雀兩種
頰下紅者曰紅靛頰藍者曰藍靛頰善鳴捕得者輒畜之籠中又有黃
雀體小而黃鳴聲清細可聽人輒畜之性慧有用之抽帖以博利者
野鷄 本名雉漢呂后諱稱野鷄至今沿之形狀習性與家鷄相類雄者
羽毛美麗頸有白毛一輪曰赤尾長尺許雌者多土黃色亦有灰色者
體小於雄產卵則遠去懼雄啄食也冬季羣飛獵者獲之輒雌雄成雙
售於市送禮者多購之

鵪鶉 形類鷄雛頭小尾禿嘴脚均短翼黃褐色有黑斑腹色赤白平原

淺草間及濱海葦塘中有之性好鬥養馴之可把玩焉 按鵪與鶉同

類異種狀亦相似惟鵪羽無斑點頸脚皆長今混稱鵪鶉誤

鷦鷯 一名巧婦嘴尖全身灰色有黑褐色細斑巧於營巢巢大如鷄卵
繫以麻髮至爲精密莊子謂鷽鷽巢樹不過一枝即此

黃鸝 即黃鶯亦名倉庚背灰黃色腹灰白色尾有黑羽雌雄雙飛鳴聲
宛轉清脆境內不多見深林中間有之

鵲鵲 詩作脊令爾雅作鵲鵲雀屬形似燕飛行如波狀棲止則喜低昂
其尾以體之重心不在兩脚間故也俗呼顛閃鳥常棲息水邊捕食小
蟲故爲益鳥有黃白及黑脊白頰長爪諸種別

鵲鵲 卽祝鳩長尺許嘴細長上嘴鈎曲羽黑褐色頸旁有黑色及青灰

色之鱗狀斑點晴時鳴聲和緩將雨則急俗謂喚雨喜食柞蠶養蠶者見輒斃之一種形小而善鳴俗謂水鵲鵲

蠟嘴 身灰翼黑雄者黑頸雌者否嘴曲而厚色黃如蠟故名雄者鳴聲清脆其性易馴畜之可玩又有銅嘴似雀而大色灰黑喙青黃如銅又錫嘴嘴白又鐵嘴形類阿藍無角頂雄者皆善鳴

啄木 爾雅釋鳥鴛斲木注口如錐長數寸常斲樹食蟲因名云按動物學屬攀禽類足具四趾二前二後便於攀援嘴銳直而堅舌細長尖端有鈎以嘴叩樹察有木蠹者穿孔鈎出食之種類頗多常見者爲紅啄木背翼均黑雜以白斑頭尾有赤羽次爲青啄木背尾綠色頭灰白額頰皆黑均益鳥也

鵯母 爾雅釋鳥鴛鵯母注鵯也青州呼鵯母義疏今驗鴛鳴以嘴插地如牛鳴窳中故曰鵯母今縣俗呼爲老牛牟色綠尾短喙長鳴則牟牟若牛農人以所鳴聲數預卜天時旱潦

阿鷗 通志作阿藍韋昭謂之鷗扈有毛冠者曰鳳頭鳥呂覽注鷗一名冠雀是也小者曰清水又名叫天爾雅謂之鷗鷗尾短多聲人多寵畜之

戴勝 生樹穴中似山鵲尾短長嘴青色有黃白斑文頂有毛角如戴華勝故名常以三月中鳴鳴自呼也即今之縷縷穀

油鸛子 背黑腹黃尾根正白春日羣飛至田中捕之可食

三道眉 體小色黑其眉似分三道故名

柳葉兒

色淡綠小如指又串柳兒類柳葉雀形微大

懶老婆

類鳩而大晝棲山林黃昏時飛繞村落尋食鳴聲吧吧春夜輒

聞之

王乾哥

大與鶉等尖喙長尾身有黑藍花紋鳴聲云王乾哥故名

棒槌雀

身小色黃春初鳴輒徹夜聲類鶉而青細

以上山禽

鳧

釋名野鴨詩疏謂野鶩沈鳧卽俗呼水鴨是也狀似鴨而小常棲息

江河中捕食魚類雄者羽毛甚麗頸色綠頸後部有白色之輪雌不如

雄美觀翼長尾短能飛翔空中時作螺旋狀肉味腥不甚適口

鵲

似鶴而頂不丹高足頸嘴皆長全身灰白翼尾黑色慣涉淺水捕魚

巢於高樹縣俗名水老鶴又名水老老

鶴 高二三尺嘴及頸脚皆長體色純白丹頂額頰及自咽喉至頸色黑翼尖亦黑尾羽白鳴聲高朗喜食魚濱海葦塘中有之一種色灰者俗名土鶴

沙鷗 大如燕色灰白馳行至疾常在沙際飛鳴迭起迭落鳴聲上下水邊多見之

鷓鴣 大如燕色碧嘴長尾短即翡翠之小者俗名魚狗

翠鳥 與魚狗同類而體略大羽亦較美麗其翠羽可以爲飾昔時首飾之點翠卽用其羽也雄赤曰翡雌青曰翠嘴尖長而尾短捕魚爲食常在水邊穿穴築巢而居潏河之濱恒見之斐然可愛

魚鷹 大如鴉色黑鈎嘴食魚一名釣魚郎

以上水禽

鷹 一名鵞鳩嘴自根即鈎曲兩翼長大背暗褐色腹白有黃褐色橫紋脚四趾其三向外其一能前後回轉皆有鈎爪勁而有力眼甚銳敏盤旋空中無微不矚獵者畜之可以捕雉兔

鳶 狀與鷹略同惟嘴較短尾較長全體褐色微紫兩翼甚大飛時不甚動若靜懸空中喜廻旋作大環尾常開展或平或側以調節其勞有所擊搏則自空疾下常攫取蛇鼠鷄雛等亦嗜食腐敗之物俗謂之鷂鷹又稱老鷂

鵓 即鷓類一曰隼又曰晨風俗呼雀鷹大者曰鷓子皆善捕雀

鴟鵂 身大色黑黃而有白斑頭目如貓俗稱貓兒頭耳邊有長毛似角

一名角鴟眼圓大帶赤黃色晝不見物夜察秋毫其鳴曰轂轆貓雌雄相喚聲如老人初若呼後若笑爾雅謂之怪鴟俗人聞其笑聲云有凶禍

鴟鵂 即鴟也狀如母鷄有斑文似鴟鵂而大暗灰色翅與尾翎皆黑目如貓目巢於山顛石窟捕食蛇鼠等物夜鳴聲如人欬一名訓狐俗名狠虎

以上鷙禽

獸分家畜野獸

馬 蹄壯善走除本境產生外多由西城及蒙古販入鄉鎮畜者無多商

埠內業馬車者多畜之

牛 以黃色爲上品牝曰牯牛俗呼乳牛牡者曰犍牛俗呼芒牛性馴力大能耕田挽車農家喜畜之埠內回民屠宰肉食歲計數千頭

羊 有二種色黑者名山羊白者名綿羊綿羊肉肥而味羶不及山羊之美本境畜者無多多由他縣販入

驢 有灰黑二色牝曰草驢牡曰叫驢縣境所產體格皆小多用以挽碾磨貧富皆畜之用以負物耕田者尙少

騾 本作羸驢馬相合而生者馬牝驢牡則體格强健能任力役驢牝馬牡反是縣境有車者多畜之亦有用以負重者

犬 有數種一身長足高性馴一身偉足短喜狂吠一身小頭圓面凹耳

大視聽尤靈曰哈叭狗有茸毛類獅者亦名獅子狗

豕 俗謂之猪色多黑亦有雜以白色者頭小腹大足短者易肥美喙長耳大身與足稱是者難肥爲肉食大宗幾於家豢而戶畜之

貓 牝曰女貓牡曰牙貓有黑白黃諸色以有狸文者爲多呼狸貓善捕鼠家恒畜之

家兔 有黑白二色白眼紅毛最溫軟易於生殖

以上獸類之畜於家者

狼 狀類犬毛色深黃頭銳喙尖頰下有白色小斑點後足銷短尾粗大下垂性殘狡穴居山野常食哺乳類鳥類動物飢則襲人聞銅鐵聲則退性善疑如尾追人故作釘橛狀即不敢前圍牆畫白圈則不敢入院

皮毛溫厚可爲裯褥清會典品官坐褥一品用狼

狸 似貓而大俗名野貓亦呼山貓毛雜黃黑斑文近山處多有之恒入人家竊捕鷄鴨皮亦可爲裘但不甚溫耳

狐 似犬而小體瘦頭尖銳尾粗大下垂毛色不一性狡猾妖媚穴居山野毛極溫厚皮可爲裘生十四五年俗傳狐能祟人妄也

貉 狀如狸銳頭尖鼻性好睡晝伏夜出捕食蟲類毛色斑駁質深厚溫滑可以爲裘

獾 形與貉同但毛粗短而黑有豬獾狗獾二種豬獾一名獐狀如猪而喙尖足尾皆短前肢有銳爪便於掘地毛黃褐色脊有黑縱毛一條體肥行鈍性敏捷穴土而居夜出捕食小動物及果實之屬狗獾似狗而

小體肥尖喙矮足短尾毛深褐色性似豬獾皮毛較美可爲裘領衲褥油可治湯火傷

麇 本作麇麇屬形似鹿毛色蒼黃牡者有角牝者無之善走皮可障潮濕但毛脆易落耳肉味甘平可作脯亦野味之一也

山兔 類家兔而大多黃褐色皮毛溫暖冬季多取作耳包毫可製筆其鋒尖利名爲紫毫

鼠 俗名耗子背褐色脚短尾長毛質柔滑有隙即能出入穴處人家夜出竊食或嚙衣物且能傳染黑死病爲害甚大惟貓能捕滅之生百日即能產子每年四產故生殖甚速又有鼯鼠鼯鼠等皆在田中食粟豆者也